

გ ა ნ ც ხ ა დ ე ბ ა

საკოლექციო დანიშნულების 5 ლარის ნომინალის მონეტის დიზაინის ესკიზის შესარჩევო კონკურსის შესახებ

განმცხადებელი:

საქართველოს ეროვნული ბანკი, მისამართი: თბილისი, სანაპიროს ქ. N2. ტელ: (+995 32) 2 406 353, ფაქსი: (+995 32) 2 406 577; ცხელი ხაზი: (995 32) 2 406 406 ელ-ფოსტა: info@nbg.ge, info@moneymuseum.nbg.ge, ვებ-გვერდი: www.nbg.gov.ge

კონკურსის მიზანი:

2018 წელს ფრანკფურტის წიგნის საერთაშორისო ბაზრობაზე საქართველო საპატიო სტუმარი ქვეყნის სტატუსით წარდგება. ამ უმნიშვნელოვანეს ღონისძიებაზე, სადაც მოეწყობა ქართველი ავტორების საჯარო გამოსვლები და მათი შემოქმედებითი საღამოები, ჩვენი ქვეყნის მიზანია გააცნოს მსოფლიოს ქართული ლიტერატურისა და კულტურის საერთაშორისო მნიშვნელობა და აქტუალობა. აღნიშნული ღონისძიების ფარგლებში საქართველოს საპრეზენტაციო პლატფორმა ეფუძნება კონცეფციას „ანბანით მოთხრობილი საქართველო“. აღსანიშნავია, რომ 2018 წლის განმავლობაში ევროპის გერმანულენოვან ქალაქებში დაგეგმილია არაერთი კულტურული და ლიტერატურული ღონისძიება, რომლის დასკვნითი ნაწილი 2018 წლის 10-14 ოქტომბერს ფრანკფურტის წიგნის ბაზრობაზე საქართველოს, როგორც საპატიო სტუმარი ქვეყნის პავილიონის გახსნაა.

აღნიშნულთან დაკავშირებით საქართველოს ეროვნულმა ბანკმა გადაწყვიტა, გამოეხმაუროს ქვეყნისათვის ამ მეტად მნიშვნელოვან მოვლენას და ქართული წიგნის თემაზე საკოლექციო დანიშნულების 5 ლარის ნომინალის მონეტა გამოუშვას.

ქართული წიგნის თემაზე საკოლექციო დანიშნულების 5 ლარის ნომინალის მონეტის დიზაინის ესკიზის შესარჩევ კონკურსში მონაწილეობის მსურველებმა ესკიზები უნდა წარმოადგინონ თანდართული პირობების მიხედვით.

კონკურსის ტიპი:

ღია კონკურსი

კონკურსში მონაწილეობის მიღება შეუძლია ნებისმიერ მსურველს - როგორც ფიზიკურ (რეზიდენტი/არარეზიდენტი), ასევე იურიდიულ (რეზიდენტი/არარეზიდენტი) პირს, რომელიც აკმაყოფილებს ქვემოთ მოცემულ საკონკურსო პირობებს და წარმოადგენს დიზაინის ესკიზს (ესკიზებს) დადგენილ ვადებში, გარდა საქართველოს ეროვნული ბანკის პრეზიდენტის 2016 წლის 27 ივლისის N76/04 ბრძანებით შექმნილი „საკოლექციო დანიშნულების ლარის ბანკნოტებისა და მონეტების თემატიკის (თემის) განსაზღვრისა და დიზაინის ესკიზის / ესკიზების შერჩევის“ დროებითი კომისიის წევრებისა და საქართველოს ეროვნული ბანკის თანამშრომლებისა.

განცხადების გამოქვეყნების თარიღი: 25.07.2017

სამართლებრივი საფუძვლები:

- ✓ „საქართველოს ეროვნული ბანკის შესახებ“ საქართველოს ორგანული კანონი;

- ✓ საქართველოს ეროვნული ბანკის საბჭოს 2010 წლის 10 ივნისის N5 დადგენილებით დამტკიცებული „ლარის ბანკნოტებისა და მონეტების დამზადების წესი“ (1-3 მუხლები)
- ✓ საქართველოს ეროვნული ბანკის საბჭოს 2011 წლის 7 თებერვლის N5 განკარგულებით დამტკიცებული „ლარის ბანკნოტებისა და მონეტების დამზადების შესყიდვის წესი“ (1-4 მუხლები)
- ✓ “ქართული წიგნის თემაზე საკოლექციო დანიშნულების 5 ლარის ნომინალის მონეტის გამოსაშვებად მოსამზადებელი სამუშაოების დაწყების შესახებ” საქართველოს ეროვნული ბანკის საბჭოს 2017 წლის 13 ივლისის N20 განკარგულება.
- ✓ საქართველოს ეროვნული ბანკის პრეზიდენტის 2016 წლის 27 ივლისის N76/04 ბრძანებით შექმნილი „საკოლექციო დანიშნულების ლარის ბანკნოტებისა და მონეტების თემატიკის (თემის) განსაზღვრისა და დიზაინის ესკიზის / ესკიზების შერჩევის“ დროებითი კომისიის 2017 წლის 21 ივლისის N5 ოქმი.

საკოლექციო დანიშნულების 5 ლარის ნომინალის მონეტის დიზაინის ესკიზის შესარჩევი კონკურსის

პირობები

მუხლი 1. საკონკურსო პროექტის აღწერილობა:

კონკურსანტს მოეთხოვება მონეტის დიზაინის ესკიზ(ებ)ის მომზადება-
წარმოდგენისას გაითვალისწინოს შემდეგი პირობები:

1. მონეტის მახასიათებლები: ნომინალი -5 ლარი; შემადგენლობა - ვერცხლი;
დიამეტრი - 33 მმ; წიბო (გურტი) - გლუვი; ხარისხი - პრუფი;
2. თემა: ქართული წიგნი;
3. დანიშნულება - საკოლექციო;
4. მხატვრული შესრულების მოთხოვნები:
 - 4.1 დიზაინი უნდა შეიცავდეს შემდეგ სავალდებულო ელემენტებს:
 - 4.1.1 ვალუტის დასახელებას ქართულ ენაზე და ნომინალურ ღირებულებას ციფრებით - „5 ლარი“;
 - 4.1.2 ემიტენტი ქვეყნის დასახელებას ქართულ და ინგლისურ ენებზე - „საქართველო“, „Georgia“;
 - 4.1.3 გამოშვების წელს - „2018“;
 - 4.1.4 ლარის სიმბოლოს-„ლ“;
 - 4.1.5 თემისა და მოვლენის აღმნიშვნელ დეტალ(ებ)ს/ წარწერებს.
 - 4.2 აღნიშნული სავალდებულო ელემენტების განთავსება შესაძლებელია მონეტის ავერსზე და/ან რევერსზე კონკურსანტის შეხედულებისამებრ.
 - 4.3 კონკურსანტს შეუძლია საკუთარი შეხედულებისამებრ შეარჩიოს და დიზაინში გამოიყენოს დამატებითი წარწერ(ებ)ი, რეკვიზიტ(ებ)ი, ან დეტალ(ებ)ი, გარდა კონკრეტული პიროვნების (მათ შორის კონკურსანტის) სახელის, გამოსახულების, ემბლემის, ლოგოს, საფირმო ნიშნის ან სხვა ინტელექტუალურ საკუთრებასთან დაკავშირებული კომერციული ორგანიზაციის დასახელების ან/და იდენტიფიკატორისა;
 - 4.4 სხვა მოთხოვნები დიზაინთან მიმართებაში:

- 4.4.1 შეესაბამებოდეს საკონკურსო მონეტის თემას, დანიშნულებას და მახასიათებლებს (*მნიშვნელოვანია*);
- 4.4.2 შეიცავდეს ფერად დეტალს (*შესაძლებელია*);
- 4.4.3 შეიცავდეს მოვლენის ამსახველ ისეთ ელემენტებს, როგორცაა ამ ღონისძიებისათვის შექმნილი:
 - ლოგო
 - დევიზი
 - ღონისძიების დასახელება

რომელთა განთავსება ესკიზზე, ნაწილობრივ ან მთლიანად, შესაძლებელია კონკურსანტის შეხედულებისამებრ (იხ. დანართი N 1);

- 4.4.4 უნდა იყოს კონკურსანტის საკუთარი ნამუშევარი (ორიგინალი), ამასთან, დიზაინში სხვა რაიმე სიმბოლოს და/ან დეტალის გამოყენების შემთხვევაში, კონკურსანტის მიერ მითითებული უნდა იქნეს ასეთი სიმბოლოს და/ან დეტალის პირველწყარო (*მნიშვნელოვანია*);
- 4.4.5 არ იყოს ასლი ან მსგავსი სხვა მონეტის დიზაინის (*მნიშვნელოვანია*);.

5. ტექნიკური შესრულების მოთხოვნები:

5.1. საკონკურსო ესკიზ(ებ)ი უნდა შესრულდეს A4 ზომის ფორმატზე, როგორც საპრეზენტაციო, ისე მონეტის ორიგინალური ზომით და მისი წარმოდგენა სავალდებულოა როგორც ნახატის/ესკიზის (ქაღალდზე), ასევე ელექტრონული/ციფრული (ელექტრონულ მატარებელზე ჩაწერილი) სახით შემდეგი წესებისა და მოთხოვნების დაცვით:

- 5.1.1 ელექტრონულ მატარებელზე ჩაწერილი გრაფიკული დიზაინი უნდა იყოს TIFF, JPEG ან PNG ფორმატში, მაღალი რეზოლუციის (სასურველია 600 dpi ან მეტი) ელექტრონული ფაილის სახით. ფაილის ზომა სასურველია არ აღემატებოდეს 50 მეგაბაიტს, ხოლო დიზაინის მინიმალური გარჩევადობა უნდა იყოს 1000x1000 პიქსელი (სადაც სიგანე ანდა სიმაღლე არ უნდა იყოს 1000 პიქსელზე ნაკლები); ელექტრონულ ფაილში (ატრიბუტებში) არ უნდა იყოს მითითებული კონკურსანტის სახელი, გვარი და/ან სხვა საიდენტიფიკაციო მონაცემები;
- 5.1.2 კონკურსანტს შეუძლია გამოიყენოს ნებისმიერი ტიპის ჩრდილი იმისათვის, რომ გადმოსცეს ელემენტების განზომილება, რომელიც მოიცავს ფორმას, რელიეფსა და სტრუქტურას.
- 5.1.3 ელექტრონულ მატარებელზე ელექტრონულ ნამუშევართან ერთად ჩაწერილი უნდა იქნეს ასევე გამოყენებული შრიფტი და მისი დასახელება.

5.2. კონკურსანტის მიერ წარმოდგენილ უნდა იქნეს ფერადი ესკიზ(ებ)ი.

- 6. ესკიზ(ებ)ს თან უნდა ერთვოდეს მონეტის აღწერილობის ტექსტი ამ მუხლის 4.4.3 პუნქტის მოთხოვნის გათვალისწინებით და დიზაინის შინაარსის დეტალური და მკაფიო განმარტება.
- 7. კონკურსანტს შეუძლია წარმოადგინოს მაქსიმუმ 2 განსხვავებული ესკიზი.

- კონკურსანტმა ეროვნულ ბანკში უნდა წარმოადგინოს ქონებრივად და უფლებრივად უნაკლო ესკიზი (ესკიზები). არცერთ მესამე პირს არ უნდა გააჩნდეს ქონებრივი, უფლებრივი ან ინტელექტუალური მოთხოვნები კონკურსანტის მიერ წარმოდგენილი ესკიზის მიმართ.

მუხლი 2. საკონკურსო ესკიზების საქართველოს ეროვნულ ბანკში წარმოდგენის ფორმა და ვადა:

- კონკურსანტმა საკონკურსო მასალა უნდა წარმოადგინოს თანდართული ფორმის (დანართი 2) განაცხადთან ერთად. განაცხადი უნდა შეიცავდეს კონკურსანტის პირად მონაცემებს (კონკურსის დასახელება, ფიზიკური პირის შემთხვევაში კონკურსანტის სახელი, გვარი, ხელმოწერა, მისამართი და საკონტაქტო ტელეფონი, ხოლო იურიდიული პირის შემთხვევაში - საფირმო სახელწოდება, საიდენტიფიკაციო კოდი, ხელმძღვანელი პირის სახელი, გვარი, ხელმოწერა და საკონტაქტო მონაცემები) და თანხმობას/დასტურს საკონკურსო პირობების შესრულებაზე.
- კონკურსანტმა საკონკურსო მასალა და განაცხადი უნდა მოათავსოს ცალ-ცალკე, განსხვავებული ზომის ორ დალუქულ კონვერტში, რომლებზეც არ უნდა იყოს მითითებული ავტორის/კონკურსანტის ვინაობა. დიდი ზომის კონვერტში უნდა მოთავსდეს საკონკურსო დიზაინის ესკიზ(ებ)ი (როგორც მატერიალური, ასევე ელექტრონულ მატარებელზე ჩაწერილი), დიზაინის შინაარსის განმარტება და აღწერილობის ტექსტი, ხოლო მცირე ზომის კონვერტში – განაცხადი.
- ორივე კონვერტი უნდა მოთავსდეს ერთ დიდ კონვერტში, დაილუქოს და მიეთითოს მისამართი, ადრესატი და კონკურსის დასახელება: „**ქ. თბილისი 0114, სანაპიროს ქ. #2 საქართველოს ეროვნულ ბანკს. საკოლექციო დანიშნულების 5 ლარის ნომინალის მონეტის დიზაინის საკონკურსო ესკიზი**“.
- საკონკურსო მასალების მიღება იწარმოებს ყოველ სამუშაო დღეს 2017 წლის 25 ივლისიდან, 2017 წლის 15 სექტემბრის ჩათვლით, დილის 10:00 საათიდან - 18:00 საათამდე, შემდეგ მისამართზე: ქ. თბილისი 0114, სანაპიროს ქ. #2 საქართველოს ეროვნული ბანკი.

მუხლი 3. საკონკურსო ესკიზების განხილვისა და გამარჯვებული ესკიზის გამოვლენის ვადები და პირობები

- საკონკურსო ესკიზების განხილვა და გამარჯვებული ესკიზის გამოვლენა მოხდება მათი წარმოდგენის ვადის ამოწურვის შემდეგ, არაუგვიანეს ერთი თვის განმავლობაში.
- საკონკურსო მასალების გახსნა, განხილვა და შეფასება მოხდება დახურული წესით (კონკურსანტთა ვინაობა უცნობი იქნება კომისიის წევრთათვის) საქართველოს ეროვნული ბანკის პრეზიდენტის 2016 წლის 27 ივლისის N76/04 ბრძანებით შექმნილი „საკოლექციო დანიშნულების ლარის ბანკნოტებისა და მონეტების თემატიკის (თემის) განსაზღვრისა და დიზაინის ესკიზის / ესკიზების შერჩევის“ დროებითი კომისიის მიერ.
- კომისიის მოთხოვნის შემთხვევაში კონკურსის მონაწილეს შესაძლებელია მოეთხოვოს დამატებითი ინფორმაციის წარმოდგენა. აღნიშნული ინფორმაცია კომისიას უნდა მიეწოდოს მოთხოვნიდან არაუგვიანეს 5 (ხუთი) სამუშაო დღეში.

4. საკონკურსო ესკიზების წარმოდგენის ფორმის დარღვევით და/ან 2017 წლის 15 სექტემბრის 18:00 საათის შემდეგ მიღებული საკონკურსო ესკიზები განხილვას არ ექვემდებარება.
5. ესკიზების შეფასება-შერჩევა მოხდება შემდეგი კრიტერიუმების გათვალისწინებით:
 - 5.1. იდეა;
 - 5.2. კომპოზიციური გადაწყვეტა;
 - 5.3. წარმოდგენილი ესკიზის შესრულების ხარისხი;
6. გამარჯვებული ესკიზის თაობაზე გადაწყვეტილებას მიიღებს საქართველოს ეროვნული ბანკის საბჭო კომისიის მიერ ესკიზების განხილვის შედეგების გათვალისწინებით.
7. საქართველოს ეროვნული ბანკი იტოვებს უფლებას, ნებისმიერ დროს დისკვალიფიკაცია გაუკეთოს კონკურსანტს, თუ:
 - 7.1 კონკურსანტი არღვევს ან სრულად არ აკმაყოფილებს კონკურსის პირობებს და წესებს;
 - 7.2 კონკურსის მიმდინარეობის ან ესკიზების შერჩევის პროცედურების დროს ადგილი ექნება კონკურსანტის არაკეთილსინდისიერ ქმედებას;
 - 7.3 კონკურსანტის მიერ წარმოდგენილი ინფორმაცია აღმოჩნდება მცდარი.

მუხლი 4. გამარჯვებული ესკიზისთვის დაწესებული ჯილდოს ოდენობა და ანაზღაურების პირობები

1. კონკურსში გამარჯვებული ესკიზისთვის განსაზღვრულია ფულადი ჯილდო 3000 ლარი (კანონმდებლობით გათვალისწინებული ყველა გადასახადის ჩათვლით). არარეზიდენტის შემთხვევაში გადარიცხვის დღეს ეროვნული ბანკის მიერ დადგენილი ევრო/ დოლარის მიმართ არსებული ლარის ოფიციალური გაცვლითი კურსით.
2. კონკურსში გამარჯვებული ესკიზის ავტორისთვის (კონკურსანტისთვის) აღნიშნული ფულადი ჯილდოს ანაზღაურება მოხდება გადარიცხვით კონკურსანტის საბანკო ანგარიშზე საქართველოს ეროვნული ბანკის ვებ-გვერდზე (www.nbg.gov.ge) კონკურსის შედეგების შესახებ ინფორმაციის გამოქვეყნების შემდეგ გამარჯვებულ კონკურსანტთან ხელშეკრულების (დანართი 3) გაფორმებიდან 10 (ათი) სამუშაო დღეში.

მუხლი 5. საკონკურსო ესკიზ(ებ)ის შემდგომი განკარგვის პირობები

1. კონკურსში მონაწილე ესკიზები რჩება საქართველოს ეროვნულ ბანკს.
2. კონკურსში გამარჯვებული ესკიზი ხდება საქართველოს ეროვნული ბანკის საკუთრება ამ ესკიზისთვის განსაზღვრული ჯილდოს ავტორისთვის გაცემისთანავე, რაც გულისხმობს, რომ:
 - 2.1. საქართველოს ეროვნულ ბანკს აქვს მონეტის გამოშვების და მისი პოპულარიზაციის მიზნებისათვის მისი შემდგომი გამოყენების და/ან მოდიფიცირების უფლება კონკურსანტთან შეთანხმების გარეშე.
 - 2.2. საქართველოს ეროვნული ბანკი თავისუფალია ნებისმიერი ინტელექტუალური საკუთრების ან სხვა საავტორო, მომიჯნავე თუ ნებისმიერი დაკავშირებული უფლებებიდან გამომდინარე მოთხოვნებისა და/ან პასუხისმგებლობისაგან (ასეთის არსებობის შემთხვევაში), იმ შემთხვევაშიც, თუ ამ ესკიზს, მონეტის გამოშვებისა და მისი პოპულარიზაციის მიზნებისათვის, გამოიყენებენ და/ან

შეცვლიან საქართველოს ეროვნული ბანკის მიერ საამისოდ უფლებამოსილი პირები, რომლებიც ასევე თავისუფლდებიან ზემოაღნიშნული მოთხოვნებისა და/ან პასუხისმგებლობისგან.

მუხლი 6. გამარჯვებული ესკიზის ავტორთან ურთიერთობა

კონკურსის დასრულების შემდეგ საქართველოს ეროვნული ბანკის მიმართვის შემთხვევაში გამარჯვებული კონკურსანტი ვალდებულია მონაწილეობა მიიღოს ქართული წიგნის თემაზე გამოსაშვები საკოლექციო დანიშნულების 5 ლარის ნომინალის მონეტის დამზადებისას დიზაინის ელემენტების სრულყოფის პროცესში და მოთხოვნის შემთხვევაში ვალდებულია წარმოადგინოს დიზაინის ვექტორული ფაილი.

მუხლი 7. კონკურსის შედეგების გამოქვეყნების ადგილი და ფორმა

კონკურსის შედეგების შესახებ ინფორმაცია გამოქვეყნდება საქართველოს ეროვნული ბანკის ვებ-გვერდზე საბჭოს მიერ გამარჯვებული ესკიზის დამტკიცების თაობაზე გადაწყვეტილების მიღებიდან 5 (ხუთი) სამუშაო დღეში. გამარჯვებულ კონკურსანტს კონკურსის შედეგები ეცნობება პირადად.

მუხლი 8. სხვა პირობები:

1. იმ შემთხვევაში, თუ კონკურსის ჩატარების თაობაზე განცხადებაში მითითებულ ვადაში არ იქნა წარმოდგენილი არც ერთი ესკიზი, კონკურსი ითვლება არშემდგარად, ხოლო თუ წარმოდგენილი არც ერთი ესკიზი არ იქნა მოწონებული და შერჩეული ობიექტური მიზეზებით, კონკურსი ითვლება დასრულებულად უარყოფითი შედეგით. ახალი კონკურსის გამოცხადების ან ამ მიზნით სხვა საშუალების ან მეთოდის გამოყენების თაობაზე გადაწყვეტილებას იღებს საქართველოს ეროვნული ბანკის საბჭო.
2. განსაკუთრებულ შემთხვევაში, გამოცხადებული კონკურსის გაუქმება შესაძლებელია მხოლოდ საქართველოს ეროვნული ბანკის საბჭოს გადაწყვეტილებით. გამოცხადებული კონკურსის გაუქმების შესახებ ინფორმაცია გამოქვეყნდება საკონკურსო ესკიზების წარმოდგენისათვის დადგენილი ვადის დასრულებამდე არანაკლებ 5 (ხუთი) კალენდარული დღით ადრე და იმავე საინფორმაციო საშუალებებში, რომლებშიც გამოქვეყნდა კონკურსის ჩატარების შესახებ განცხადება.
3. საკონტაქტო ნომერი დამატებითი ინფორმაციისათვის: (+99532) 2 406 406 / 353/471
ელ-ფოსტა: info@moneymuseum.nbg.ge



Georgia
Made by Characters
Guest of Honour
Frankfurter Buchmesse 2018



Georgia
Made by Characters
Guest of Honour
Frankfurter Buchmesse 2018

კონკურსანტის მიერ წარმოსადგენი განაცხადის ფორმა
საქართველოს ეროვნული ბანკის აღმასრულებელ დირექტორს, საკოლექციო
დანიშნულების ლარის ბანკნოტებისა და მონეტების თემატიკის (თემის)
განსაზღვრისა და დიზაინის ესკიზის/ესკიზების შერჩევის დროებითი კომისიის
თავმჯდომარეს ბატონ გიორგი მელაშვილს
გ ა ნ ა ც ხ ა დ ი

ქართული წიგნის თემაზე გამოსაშვები საკოლექციო დანიშნულების 5 ლარის ნომინალის
მონეტის დიზაინის ესკიზის შესარჩევ კონკურსში მონაწილეობის თაობაზე

მე,.....

..., კონკურსანტის სახელი, გვარი (იურიდიული პირის შემთხვევაში - მისი საფირმო სახელწოდება და ხელმძღვანელი პირის სახელი, გვარი

საქართველოს ეროვნული ბანკის მიერ ქართული წიგნის თემაზე გამოსაშვები საკოლექციო დანიშნულების 5 ლარის ნომინალის მონეტის დიზაინის ესკიზის შესარჩევ კონკურსში (შემდგომში - კონკურსი) მონაწილეობით, ვეთანხმები და ვაღიარებ კონკურსის წესებსა და პირობებს და ვადასტურებ, რომ კონკურსში ჩემს მიერ წარმოდგენილი დიზაინის ესკიზის გამარჯვების შემთხვევაში, საქართველოს ეროვნული ბანკის სასარგებლოდ უარს ვამბობ ნებისმიერ ინტელექტუალური საკუთრების ან სხვა საავტორო, მომიჯნავე თუ ნებისმიერი დაკავშირებულ უფლებასა და ასევე ამ უფლებებიდან გამომდინარე ნებისმიერ მოთხოვნაზე, იმ შემთხვევაშიც, თუ ამ ესკიზს, მონეტის გამოშვებისა და მისი პოპულარიზაციის მიზნებისათვის, გამოიყენებენ და/ან შეცვლიან საქართველოს ეროვნული ბანკი და/ან საქართველოს ეროვნული ბანკის მიერ საამისოდ უფლებამოსილი პირები, რომლებიც ასევე თავისუფლდებიან ზემოაღნიშნული მოთხოვნებისა და/ან პასუხისმგებლობისგან.

გამარჯვების შემთხვევაში, მე უარს ვამბობ ჩემი, როგორც მონეტის დიზაინის ესკიზის ავტორის სახელი მიეთითოს დიზაინის ესკიზის ყოველ ეგზემპლარზე ან შემდგომში მისი ნებისმიერი სახით გამოყენებისას.

მე, ქვემოთ ხელმომწერი, ჩემს მიერ წარმოდგენილი დიზაინის ესკიზის კონკურსში გამარჯვების შემთხვევაში, თანხმობას გამოვთქვამ და საქართველოს ეროვნულ ბანკს უფლებას ვაძლევ გამარჯვებულ დიზაინის ესკიზთან მიმართებაში ჩემი, როგორც მონეტის დიზაინის ესკიზის ავტორის სახელი გამოიყენოს საჯარო გამოსვლებში, განცხადებებში, ვებ გვერდზე თუ ბეჭდვით საშუალებებში გავრცელებულ ინფორმაციაში, სატელევიზიო თუ რადიო განცხადებებში, ასევე ნებისმიერი სხვა ფორმით გაავრცელოს ის.

ჩემთვის ცნობილია და ვადასტურებ, რომ ჩემს მიერ საქართველოს ეროვნულ ბანკში წარმოდგენილი დიზაინის ესკიზში ნებისმიერი სიმბოლოს, დეტალის, ელემენტის დ.ა.შ. გამოყენებაზე უფლებრივ საკითხებთან დაკავშირებით პასუხისმგებლობა მეკისრება მოქმედი კანონმდებლობის შესაბამისად.

ამასთან, ვადასტურებ, რომ ჩემს მიერ წარმოდგენილი ესკიზი (ესკიზები) ქონებრივად და უფლებრივად უნაკლოა და ასეთი ნაკლოვანების აღმოჩენის შემთხვევაში პასუხისმგებლობა მეკისრება მოქმედი კანონმდებლობის შესაბამისად.

ვადასტურებ, რომ თანახმა ვარ, ჩემს მიერ საქართველოს ეროვნულ ბანკში წარმოდგენილი დიზაინის ესკიზის კონკურსში გამარჯვებისა და საქართველოს ეროვნული ბანკის შესაბამისი მოთხოვნის შემთხვევაში მოვახდინო ამ ესკიზის ცვლილება ან მონაწილეობა მივიღო ქართული წიგნის თემაზე გამოსაშვები 5 ლარის ნომინალის მონეტის დამზადებისას დიზაინის ელემენტების სრულყოფის პროცესში.

ვადასტურებ, რომ თანახმა ვარ, ჩემს მიერ საქართველოს ეროვნულ ბანკში წარმოდგენილი დიზაინის ესკიზის კონკურსში გამარჯვების შემთხვევაში ხელი მოვაწერო ქართული წიგნის თემაზე გამოსაშვები საკოლექციო დანიშნულების 5 ლარის ნომინალის მონეტის დიზაინის

ესკიზის შესარჩევი კონკურსის გამარჯვებულისათვის ჯილდოს გადაცემის პირობების შესახებ“ ხელშეკრულებას ამ კონკურსით გათვალისწინებულ პირობების მიხედვით.

კონკურსანტის სახელი და გვარი: _____
(იურიდიული პირის შემთხვევაში - მისი ხელმძღვანელის სახელი და გვარი)

კონკურსანტის პირადი ნომერი: _____

(იურიდიული პირის შემთხვევაში - მისი საფირმო სახელწოდება)

კონკურსანტის საკონტაქტო ტელ: _____ ელ-ფოსტა: _____

თარიღი: _____

კონკურსანტის ხელმოწერა: _____

დანართი 3

ხ ე ლ შ ე კ რ უ ლ ე ბ ა

ქართული წიგნის თემაზე გამოსაშვები საკოლექციო დანიშნულების 5 ლარის ნომინალის მონეტის დიზაინის ესკიზის შესარჩევი კონკურსის გამარჯვებულისათვის ჯილდოს გადაცემის პირობების შესახებ

ქ. თბილისი

საქართველოს ეროვნული ბანკი (შემდგომში – ეროვნული ბანკი) წარმოდგენილი აღმასრულებელი დირექტორის გიორგი მელაშვილის სახით, მისამართი: სანაპიროს N2, თბილისი 0114, საქართველო, საიდენტიფიკაციო კოდი: 203 824 148, ერთის მხრივ, და _____ (დაბ: _____ წ პირადი N _____, მისამართი თბილისი, - _____) (შემდგომში - გამარჯვებული), მეორე მხრივ, ვდებთ შეთანხმებას შემდეგზე:

მუხლი 1. ხელშეკრულების საგანი

ხელშეკრულების საგანია ეროვნული ბანკის მიერ ქართული წიგნის თემაზე გამოსაშვები საკოლექციო დანიშნულების 5 ლარის ნომინალის მონეტის (შემდგომში - მონეტა) დიზაინის ესკიზის (შემდგომში - ესკიზი) შესარჩევ კონკურსში გამარჯვებულისათვის ჯილდოს გადაცემა და ეროვნული ბანკის მოთხოვნის შემთხვევაში, გამარჯვებულის მიერ შესაბამისი ესკიზის დახვეწა-განვითარების პროცესში მონაწილეობა ამ ხელშეკრულების პირობების მიხედვით.

მუხლი 2. მხარეთა უფლებები და ვალდებულებები

1. ეროვნული ბანკი გამარჯვებულს გადასცემს 3000 (სამი ათასი) ლარს კონკურსში გამარჯვებისათვის ჯილდოს სახით. აღნიშნული თანხა მოიცავს კანონმდებლობით გათვალისწინებულ ყველა გადასახადს.
2. თანხის გადახდა განხორციელდება ამ ხელშეკრულების ხელმოწერიდან 10 (ათი) სამუშაო დღის ვადაში გამარჯვებულის საბანკო ანგარიშზე - GEXXXXXXXXX ჩარიცხვით.
3. ეროვნული ბანკი უფლებამოსილია მონეტის გამოშვების და/ან მისი პოპულარიზაციის მიზნით მოახდინოს გამარჯვებულის მიერ წარმოდგენილი ესკიზის შემდგომი გამოყენება და/ან მოდიფიცირება გამარჯვებულთან შეთანხმების გარეშე.
4. ეროვნული ბანკი თავისუფალია ნებისმიერი ინტელექტუალური საკუთრების ან სხვა საავტორო, მომიჯნავე თუ ნებისმიერი დაკავშირებული უფლებებიდან გამომდინარე მოთხოვნებისა და/ან პასუხისმგებლობისაგან (ასეთის არსებობის შემთხვევაში), იმ შემთხვევაშიც, თუ გამარჯვებულ ესკიზს, მონეტის გამოშვების მიზნებისათვის და მისი პოპულარიზაციისათვის, გამოიყენებენ და/ან შეცვლიან ეროვნული ბანკის მიერ საამისოდ უფლებამოსილი პირები, რომლებიც ასევე თავისუფლდებიან ზემოაღნიშნული მოთხოვნებისა და/ან პასუხისმგებლობისგან.
5. გამარჯვებული ამ ხელშეკრულების ხელმოწერით მის მიერ წარმოდგენილ ესკიზთან დაკავშირებით:
 - ა) ეროვნული ბანკის სასარგებლოდ უარს აცხადებს ნებისმიერ საავტორო, ქონებრივ და მომიჯნავე უფლებაზე, ასეთის არსებობის შემთხვევაში, ასევე ამ უფლებებიდან გამომდინარე ნებისმიერ უფლებასა თუ მოთხოვნაზე;
 - ბ) უარს აცხადებს უფლებაზე, რომ მისი სახელი, როგორც ესკიზის ავტორისა, მითითებულ იქნეს ესკიზის ყოველ ეგზემპლარზე ან მისი ნებისმიერი სახით გამოქვეყნებისას;
 - გ) თანხმობას აცხადებს მისი სახელი და გვარი, გამარჯვებულ ესკიზთან მიმართებაში, საქართველოს ეროვნული ბანკის მიერ გამოყენებული იყოს საჯარო გამოსვლებში, განცხადებებში, ვებ-გვერდზე თუ ბეჭდვით საშუალებებში გავრცელებულ ინფორმაციაში, სატელევიზიო თუ რადიო განცხადებებში, ასევე, ეროვნული ბანკის შეხედულებისამებრ, ნიმუშის ნებისმიერი ფორმით გავრცელების დროს.
6. გამარჯვებული ამ ხელშეკრულების ხელმოწერით ადასტურებს, რომ მას არ გააჩნია და/ან არ შეიძლება გააჩნდეს რაიმე სახის, კანონმდებლობიდან თუ სახელშეკრულებო ურთიერთობიდან გამომდინარე პრეტენზია ეროვნული ბანკის მიმართ გამარჯვებულის მიერ წარმოდგენილი ესკიზის გამოყენებასთან და/ან მოდიფიცირებასთან დაკავშირებით იმ შემთხვევაშიც კი, თუ ამ ესკიზს, მონეტის გამოშვებისა და მისი პოპულარიზაციის მიზნებისათვის, გამოიყენებენ და/ან შეცვლიან საქართველოს ეროვნული ბანკი და/ან საქართველოს ეროვნული ბანკის მიერ საამისოდ უფლებამოსილი პირები, რომლებიც ასევე თავისუფლდებიან ზემოაღნიშნული მოთხოვნებისა და/ან პასუხისმგებლობისგან.
7. „საავტორო და მომიჯნავე უფლებების შესახებ“ საქართველოს კანონის თანახმად, ეროვნული ბანკის მიერ ესკიზის გადამუშავებით შექმნილ ნებისმიერ ობიექტზე საავტორო და ქონებრივი უფლებების მესაკუთრეა ეროვნული ბანკი და გამარჯვებული არ არის უფლებამოსილი ეროვნულ ბანკს პრეტენზიები წარუდგინოს ამ უკანასკნელის მიერ შექმნილ ობიექტთან დაკავშირებით.
8. გამარჯვებული ადასტურებს, რომ მის მიერ ეროვნულ ბანკში წარმოდგენილ ესკიზში ნებისმიერი სიმბოლოს, დეტალის, ელემენტის დ ა.შ. გამოყენებაზე უფლებრივ საკითხებთან დაკავშირებით პასუხისმგებლობა ეკისრება თავად გამარჯვებულს მოქმედი კანონმდებლობის შესაბამისად.

9. გამარჯვებული ამ ხელშეკრულების ხელმოწერით ადასტურებს, რომ მის მიერ წარმოდგენილი ესკიზ(ებ)ი ქონებრივად და უფლებრივად უნაკლოა და ასეთი ნაკლოვანების აღმოჩენის შემთხვევაში პასუხისმგებლობა ეკისრება თავად გამარჯვებულს მოქმედი კანონმდებლობის შესაბამისად.
10. გამარჯვებული ვალდებულია:
 - ა) ეროვნული ბანკის მოთხოვნის შემთხვევაში, მონაწილეობა მიიღოს ესკიზის დახვეწა-განვითარებაში და განახორციელოს შესაბამისი სამუშაოები;
 - ბ) ეროვნულ ბანკს, მოთხოვნის შემთხვევაში, გადასცეს ესკიზთან დაკავშირებული ყველა მასალა როგორც მატერიალური, ასევე ელექტრონული ფორმით (მათ შორის ესკიზების ვექტორული ფაილ(ებ)ი);
 - გ) მოთხოვნის შემთხვევაში, ეროვნულ ბანკს გადასცეს ესკიზთან დაკავშირებული ის ინფორმაცია და დოკუმენტაცია, რომელიც საჭიროა ესკიზის დამუშავებისათვის.
11. ინტელექტუალურ საკუთრებასთან დაკავშირებით ამ მუხლით გათვალისწინებული ვალდებულებები მხარეებისათვის ძალაში რჩება ამ ხელშეკრულების შეწყვეტის შემდეგაც.
12. გამარჯვებულის მხრიდან ამ ხელშეკრულებით გათვალისწინებული პირობების დარღვევის ან თავისი ვალდებულებების არაჯეროვნად შესრულების შეთხვევაში ეროვნული ბანკი უფლებამოსილია ვადაძღვე შეწყვიტოს გამარჯვებულთან ურთიერთობა და გამარჯვებულს მოსთხოვოს ვალდებულების შეუსრულებლობით ან არაჯეროვნად შესრულებით გამოწვეული ნებისმიერი ზიანის ანაზღაურება.

მუხლი 3. სხვა დებულებები

1. ეს ხელშეკრულება შედგენილია საქართველოს კანონმდებლობის შესაბამისად. ამ ხელშეკრულების შესრულებისას წამოჭრილი დავა მხარეებმა უნდა გადაჭრან ურთიერთმოლაპარაკების და კონსულტაციების გზით, წინააღმდეგ შემთხვევაში მხარეებს შეუძლიათ მიმართონ სასამართლოს.
2. სასამართლოსათვის მიმართვის შემთხვევაში, საკითხს განიხილავენ საქართველოს სასამართლოები საქართველოს კანონმდებლობის შესაბამისად.
3. ხელშეკრულებაში ცვლილებები და დამატებები ხორციელდება მხარეთა წერილობითი შეთანხმებით, რომელიც ჩაითვლება ხელშეკრულების განუყოფელ ნაწილად.
4. ხელშეკრულება შედგენილია ქართულ ენაზე, თანაბარი იურიდიული ძალის მქონე სამ ეგზემპლარად, აქედან ორი ეგზემპლარი გადაეცემა ეროვნულ ბანკს, ხოლო ერთი ეგზემპლარი გადაეცემა გამარჯვებულს
5. ხელშეკრულება ძალაშია მხარეების მიერ ხელმოწერის დღიდან.

გიორგი მელაშვილი
აღმასრულებელი დირექტორი
საქართველოს ეროვნული ბანკი